



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

თოფაძე გიორგი ლევანის ძე



გ. თოფაძე

თოფაძე გიორგი ლევანის ძე (დ. 18. IV. 1940, თბილისი), ინჟინერ-ტექნოლოგი, მეწარმე, ბიზნესმენი, მეცენატი. ეკონ. მეცნ. დოქტორი (1998), თსუ-ის პროფესორი (1998), რამდენიმე ეროვნ. და საერთაშ. აკად. წევრი, საქართვე. სახელმწ. პრემიის ლაურეატი საბავშვო ლიტ-რისა და ხელოვნების დარგში (ჯ. ხანთაძესთან ერთად, 1999). 1962 დაამთავრა სპი-ის კვებისა და ქიმ. ტექნოლ. ფაკ-ტი.

1970-75 იყო თბილ. საპნის ქ-ნის დირექტორი, 1975-86 - საწარმოო გაერთიანება „თბილლუდის“ გენ. დირექტორი, 1986-94 - ლილოს ლუდის ქ-ნის დირექტორი, 1995-2008 - საქართვე. სპორტის ზამთრის სახეობათა ფედერაციის პრეზიდენტი, 1998-2007 - საქართვე. ეროვნ. ოლიმპიური კომიტეტის ვიცე-პრეზიდენტი 2007-08 - პრეზიდენტი, 1999-2003, 2004-05 და 2012-16 საქართვე. პარლამენტის წევრი.

1994-იდან არის ბიზნესკუფ „ყაზბეგის“ დამფუძნებელი და პრეზიდენტი, 1999-იდან - თავისსავე დაფუძნებული პოლიტ. მოძრაობის „მრეწველობა გადაარჩენს საქართველოს“ ორგანიზაციის თავ-რე. 1997 და 1998 დასახელდა საქართველოს წლის საუკეთესო ბიზნესმენად და გადაეცა ოქროს მედალი. 1999 ქ. ბრიუსელში ფირმა "ევრო-მარკეტმა" დაასახელა საუკეთესო ბიზნესმენად აღმ. ევროპაში ბიზნესის განვითარების საქმეში შეტანილი წვლილისათვის. 2005 პირველს გადაეცა საქართვე. ჰუმანიტარული და სახელოვნებო მეცნ. აკად. მიერ დაწესებული მეცენატის ოქროს მედალი. ეწევა მრავალმხრივ ქველმოქმედებას; არის არაერთი სამეცნ. პუბლიკაციისა და მონოგრაფიის ავტორი.
